

თბილისი

3 იანვარი

2012წ.

ერთი მხრივ, საჯარო სამართლის იურიდიული პირი – საქართველოს ეროვნული არქივი (შემდგომში „შემსრულებელი“), მდებარე: თბილისი, ვაჟა-ფშაველას გამზ. №1, წარმოდგენილი ეროვნული არქივის გენერალური დირექტორის მოადგილის, სოფიო ლონდარიძის სახით და მეორეს მხრივ, თბილისის ისანი-სამგორის რაიონის გამგეობა (შემდგომში „შემსყიდველი“), მდებარე: ნავთლუღის ქ. N8/1, წარმოდგენილი გამგებლის თემურ გრიგალაშვილის სახით, საქართველოს მოქმედი კანონმდებლობის მოთხოვნათა დაცვით, ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1 საქართველოს ეროვნული არქივის ტერიტორიული ორგანოს – თბილისის ცენტრალური არქივის მიერ ისანი-სამგორის რაიონის ადგილობრივი თვითმმართველი ერთეულის 1937-2006 წლების ხანგრძლივად შესანახ საქმეთა შენახვა ერთი წლის განმავლობაში, 2012 წლის 1 იანვრიდან 2012 წლის 31 დეკემბრამდე. სულ: 5188 (ხუთი ათას ას ოთხმოცდარვა) შესანახი ერთეული (საქმე).

1.2 შემსრულებლის მიერ შემსყიდველისათვის გაწეული საარქივო მომსახურების საფასურის ოდენობისა და გადახდის წესის განსაზღვრა.

2. ხელშეკრულების საერთო ღირებულება

2.1 წინამდებარე ხელშეკრულების საერთო ღირებულება განისაზღვრება 10 376.00 (ათი ათას სამას სამოცდათექვსმეტი) ლარისა და 00 თეთრის ოდენობით.

2.2 გაანგარიშებისას გამოიყენება „საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიული პირის - საქართველოს ეროვნული არქივის მიერ გაწეული მომსახურებისათვის დაწესებული საფასურის ოდენობების, გადახდის წესისა და მომსახურების ვადების დამტკიცების შესახებ“ საქართველოს მთავრობის 2011 წლის 29 დეკემბრის №506 დადგენილების 1 ნაწილის მე-12 პუნქტი.

2.3 წინამდებარე ხელშეკრულების მე-2 მუხლის 2.2. პუნქტში აღნიშნული დადგენილებით საქმეთა შენახვის ღირებულება დადგენილია საფასურის განაკვეთის მიხედვით, ერთ შესანახ ერთეულზე (საქმეზე) ერთი წლით – 2 (ორი) ლარი დღგ-ს ჩათვლით.

3. ანგარიშსწორების ფორმა და ვადები

3.1. წინამდებარე ხელშეკრულებით შემსრულებლის მომსახურებით შემსყიდველი საფასურს იხდის:

ა) უნაღდო ანგარიშსწორებით;

ბ) უნაღდო ანგარიშსწორება ხორციელდება საქართველოს კანონმდებლობით დადგენილი წესით.

4. მხარეთა უფლება-მოვალეობანი

4.1 შემსრულებელი ვალდებულია:

- ა) გაუწიოს საარქივო მომსახურება შემსყიდველს სათანადო ხარისხითა და შესაბამისი ნორმების დაცვით;
- ბ) დაიცვას წინამდებარე ხელშეკრულებაში მითითებული დოკუმენტები დაზიანებისა და შინაარსის გაყალბებისაგან.

4.2 შემსრულებელი უფლებამოსილია:

მოთხოვოს შემსყიდველს ანაზღაურება „საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიული პირის - საქართველოს ეროვნული არქივის მიერ გაწეული მომსახურებისათვის დაწესებული საფასურის ოდენობების, გადახდის წესისა და მომსახურების ვადების დამტკიცების შესახებ“ საქართველოს მთავრობის 2011 წლის 29 დეკემბრის №506 დადგენილების და წინამდებარე ხელშეკრულებაში მითითებული წესისა და პირობების დაცვით.

4.3 შემსყიდველი ვალდებულია:

- ა) „საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიული პირის - საქართველოს ეროვნული არქივის მიერ გაწეული მომსახურებისათვის დაწესებული საფასურის ოდენობების, გადახდის წესისა და მომსახურების ვადების დამტკიცების შესახებ“ საქართველოს მთავრობის 2011 წლის 29 დეკემბრის №506 დადგენილების 1 ნაწილის მე-12 პუნქტით დადგენილი საფასურის განაკვეთის მიხედვით _ ერთ შესანახ ერთეულზე (საქმეზე) ერთი წლით 2 (ორი) ლარი დღგ-ის ჩათვლით.
- ბ) გადაუხადოს შემსრულებელს წინამდებარე ხელშეკრულების მე-2 მუხლის 2.1 პუნქტით განსაზღვრული თანხა, ამავე ხელშეკრულების მე-3 მუხლში დათქმულ მოთხოვნათა შესაბამისად.

4.4 შემსყიდველი უფლებამოსილია:

ნებისმიერ დროს გააკონტროლოს შემსრულებლის მიერ წინამდებარე ხელშეკრულებით აღებული ვალდებულების შესრულება და ხარისხი.

5. ფორს-მაჟორი

5.1 მხარის (მხარეთა) მიერ წინამდებარე ხელშეკრულების პირობების დარღვევა არ გამოიწვევს შესაბამის პასუხისმგებლობას თუ აღნიშნული დარღვევა გამოწვეულია ფორს-მაჟორული გარემოებებით.

5.2 ფორს-მაჟორული გარემოება წარმოადგენს მხარეთათვის გადაულახავ, მათგან დამოუკიდებელ პირობებს (არ არის გამოწვეული მხარეთა არასწორი ქმედებების შედეგად), რომელთა წინასწარ გათვალისწინება შეუძლებელია, კერძოდ: ომი, ეპიდემია, კარანტინი და სხვა.

5.3 ფორს-მაჟორული გარემოების შემთხვევაში მხარემ, რომლისთვისაც შეუძლებელი ხდება წინამდებარე ხელშეკრულებით ნაკისრი ვალდებულებების შესრულება, დაუყოვნებლივ უნდა აცნობოს მეორე მხარეს, წერილობითი ფორმით.

6. ხელშეკრულებაში ცვლილებების შეტანა

6.1 წინამდებარე ხელშეკრულების დამდებ არცერთ მხარეს არა აქვს უფლება ცალმხრივად შეცვალოს ხელშეკრულების პირობები.

6.2 თუ რაიმე, წინასწარ გაუთვალისწინებელი მიზეზების გამო წარმოიშობა წინამდებარე ხელშეკრულების პირობების შეცვლის აუცილებლობა, ცვლილებების ინიციატორი მხარე ვალდებულია შეატყობინოს მეორე მხარეს შესაბამისი ინფორმაცია წერილობითი ფორმით.

6.3 წინამდებარე ხელშეკრულებაში შეტანილი ნებისმიერი ცვლილება უნდა გაფორმდეს წერილობითი ფორმით, ხელშეკრულების დანართის სახით, რომელიც წარმოადგენს ხელშეკრულების განუყოფელ ნაწილს.

7. ხელშეკრულების შესრულების შეფერხება

თუ წინამდებარე ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამოც ფერხდება წინამდებარე ხელშეკრულების პირობების შესრულება, შესაბამისმა მხარემ შეფერხების მიზეზების შესახებ დაუყოვნებლივ უნდა აცნობოს მეორე მხარეს წერილობითი ფორმით.

8. ხელშეკრულების შეწყვეტის პირობები

მხარეებს შეუძლიათ ვადამდე შეწყვიტონ წინამდებარე ხელშეკრულება ერთ-ერთი მხარის მიერ წინამდებარე ხელშეკრულებით ნაკისრი ვალდებულების არშესრულების ან/და არაჯეროვნად შესრულების გამო. ხელშეკრულების შეწყვეტის ინიციატორი მხარე ვალდებულია შეატყობინოს მეორე მხარეს შესაბამისი ინფორმაცია წერილობითი ფორმით, წინამდებარე ხელშეკრულების შეწყვეტამდე არაუგვიანეს ერთი თვისა.

9. ხელშეკრულების პირობების შეუსრულებლობა და ინსპექტირება

9.1 ფორს-მაჟორული გარემოების გარდა, შემსყიდველის მიერ წინამდებარე ხელშეკრულების ვალდებულებების შესრულების ვადების გადაცდენის შემთხვევაში, შემსყიდველი ყოველი დაგვიანებული კვირისათვის შემსრულებელს უხდის პირგასამტეხლოს წინამდებარე ხელშეკრულების ღირებულების 0,1% -ის ოდენობით.

9.2 საჯარიმო სანქციების გადახდა არ ათავისუფლებს შემსყიდველს ძირითადი ვალდებულების შესრულებისაგან.

9.3 წინამდებარე ხელშეკრულების შესრულების კონტროლი დაეკისროს ეროვნული არქივის ტერიტორიული ორგანოს ხელმძღვანელს.

10. დავის გადაწყვეტა

10.1 მხარეთა შორის წამოჭრილი დავა წყდება ურთიერთშეთანხმებით.

10.2 ურთიერთშეთანხმებით დავის გადაჭრის შეუძლებლობის შემთხვევაში, ნებისმიერი მხარე უფლებამოსილია დავის გადასაჭრელად დადგენილი წესით მიმართოს სასამართლოს.

11. ხელშეკრულების მოქმედების ვადა

წინამდებარე ხელშეკრულება ძალაში შედის მისი ხელმოწერის დღიდან და მოქმედებს 2012 წლის 31 დეკემბრამდე.

12. დასკვნითი დებულებები

12.1 წინამდებარე ხელშეკრულება შედგენილია, განიმარტება და რეგულირდება საქართველოს კანონმდებლობის შესაბამისად.

12.2 წინამდებარე ხელშეკრულება შედგენილია ქართულ ენაზე, სამი თანაბარი მნიშვნელობის მქონე ეგზემპლარად, რომელთაგან ერთი გადაეცემა შემსყიდველს, ორი კი შემსრულებელს.

13. მხარეთა რეკვიზიტები

შემსრულებელი
სსიპ - ეროვნული არქივი
გენერალური დირექტორი
მოადგილე
საქართველოს იუსტიციის საკმისტრო
საქართველოს ეროვნული არქივი
ლონდაონში
211358957
ლიბერთი ბანკის ც/ფილიალი
საიდ. კოდი 211358957
ანგ: №GE03LB0121160105327000
ბანკის კოდი: 220101480

შემსყიდველი
თბილისის ისანი-სამგორის რაიონის გამგებელი

თ. გრიგალაშვილი
საიდ. კოდი: 208204959
ანგ: № GE95LB0125152101627000
ბანკის კოდი: LBRTGE22